



硃批諭旨

蔣 洞
李元英
胡 瀛
趙弘本
奏摺



硃批蔣洞奏摺

山西按察使臣蔣洞謹

奏爲

聖主精誠格

天通省雨澤普霑事竊臣於本年四月十二日抵任後卽
行查各屬晴雨日期據陸續報到數十州縣得雨
而平汾澤潞等處雨澤尚少是以未敢具

皇奏茲據通省各府州縣節次具報到臣或稱得雨霑
足或稱得雨六七寸四五寸不等今太原府於本
月二十三四五等日甘霖大沛入土尺餘四望濃



雲密布得雨之處甚多萬姓歡呼豐稔在望此皆我

皇上至誠參贊精意接乎

蒼穹有感必通

天心協應所以優渥霑足致此時雨之施豐亨之慶也臣不勝踴躍懼忤之至爲此謹

奏

晉省雨澤情形知道了凡百處惟以據實爲務粉飾迎合朕所深惡者誌之勉之

山西按察使臣蔣河謹

只奏爲請禁大吏坐缺題人以杜權貪事竊惟

國家大政首在用人而用人之柄惟

皇上一人所獨操爲人臣者固不得有所僭越專擅於

其間也乃自年羹堯爲川陝督臣恣憑胸臆橫作

威福每遇文武員缺無論大小必擇其私人始行

請補或一疏而題補數人甚者或至數十人吏兵

兩部幾爲虛設更可駭者巡撫提鎮布按大吏皆

皇上所特簡者也而年羹堯必欲擠排異己遍樹私人

未有缺之先外間已傳聞某人爲巡撫提鎮布按

矣聞者亦疑信相半未幾而其缺果出矣未幾而

其人果得矣於是寡廉鮮恥行賄鑽營之徒羣相奔走於其門今蒙

聖明洞鑒種種敗露而仕途吏治已不免多所淆雜臣愚以爲欲杜其流必防其漸法制一定大權不分臣請嗣後文臣自道府以上武臣自叅將以上遇有缺出該部通行開列應陞應補之員仰請

皇上特簡補授其餘各官

敕定嚴例文歸吏部武歸兵部卽舊例應題應調各缺亦悉聽吏兵二部銓除引

見後補授凡督撫提鎮不得坐名題補若果有真知灼

見實在賢能之員止許詳列品行政蹟保薦於平日其用否出自

聖裁不得有缺而後薦人如有違例妄行者治以擅權

奏不臣之罪如此則

皇上獨操用人之大柄以進退天下之賢不肖在自好大臣莫不奉公謹飭卽有不肖姦貪者亦無以濟其招權植黨納賄營私之計矣爲此冒昧瀆陳伏乞

皇上睿鑒施行謹

奏

似汝如是條奏者頗多朕因踐阼未久耳目未廣知人
尙少諸凡且循舊典徐徐自有制度至於年羹堯之不
法行爲豈止於此其狂妄姦貪實爲世所罕見雖然皆
朕過用之咎愧悔何及所奏關疆固邊採買米石二摺
留中候朕詳閱

皇上山西按察使臣蔣河謹

奏爲恭謝

天恩事竊臣接到臣兄蔣漣家信知蒙

皇上天恩授爲日講官又蒙

天恩特陞翰林院侍講臣隨恭設香案望

闕叩頭謝

恩訖又接到臣叔蔣廷錫家信具傳面奉

上諭汝告知汝姪伊等弟兄只要安靜盡職臣跪聆之

下益深感惕伏念臣兄弟身家性命仰蒙

皇上聖恩保全涓埃莫報迺蒙

聖恩優渥異數頻施又蒙

聖訓諄切勉勵誨迪旣沐有加無已之

隆施復獲

覆載生成之

明訓感激涕零敢不欽遵謹將安靜盡職四字朝夕虔

殊批諭旨

四

蔣河

聖恩愈渥報稱愈難臣兄弟惟互相勉勵警惕恪供職
劉訓守期於夙夜匪懈不致多事以冀仰答

高厚於萬一耳爲此具摺叩謝無任

天恩謹

皇奏望恩於全

安靜盡職四字極好但非朕諭也不過爾叔廷錫勗勉
爾等之意朕今將此四字再諭於爾其欽遵毋忘

恩山西按察使

奏爲恭報雨雪霑足事竊查山西通省地方自去冬

蔣洞謹

聞茲以至今春雖據各州縣陸續報到得過雨雪但臣
細加察訪尚未能十分霑足農夫猶秉耒踟躕臣
奏等正在望雨之候茲於二月二十日太原府屬大
雪紛披徹夜連朝二十一日雪猶未止優渥霑足
入土約有尺餘四望同雲密布得雪之處甚寬田
土滋潤東作俱興西成大有自可豫卜皆仰賴
皇上湛恩愷澤玉燭光天此雨雪所以周渥如斯也萬
姓頂祝千里歌呼臣不勝懼忭踴躍之至理合具

表摺奏

聞伏祈

殊批諭旨

五

蔣洞

睿鑒謹

奏附奏

地方和氣沴氣全關刑名出入之當否勉之慎之第以得當爲主亦不以寬縱爲貴也凡事速結不致拖累無辜而濟之以勤慎自無不感召

天和之理勉之

山西按察使臣蔣洞謹

奏爲報明事竊惟山西一省今歲春夏以來雨澤應時田禾蕃茂民生樂業臣已具摺奏

聞茲據潞安府屬潞城黎城二縣報稱五月初九日天

降冰雹麥禾多半被傷又訪聞得平陽府屬之霍州亦遭冰雹傷損田苗臣隨行令各地方官將被雹村莊加意撫綏設法拯濟毋致失所務令及時補種以冀秋成外所有冰雹情由理合奏聞其餘百餘州縣風雨順時二麥可望豐收秋禾皆已長發合併奏

聞伏乞

皇上睿鑒謹

奏山西按察使臣蔣洞謹

雨澤田禾情形知道了歸併州縣一摺留中候另紙鈔

硃批諭旨

六

蔣洞

膽不露爾名交發部議凡如此等之奏密之

山西按察使臣蔣洞謹

奏恭請

皇上聖安

朕安

保舉官員一摺留中籌邊一摺所論雖甚有理但積貯至二百萬石之多不可不計及將來作何出陳易新之法必蓋藏有術霉爛無虞儲久不致虧耗方收實濟類此等處不預爲籌畫遽然舉行可乎至於邊省固宜強兵亦必令天下強弱髣髴始免偏重之慮秦地素稱壯

勇若再加此一番精練則與他省更相懸殊矣豈爲平治良策摺亦留中候朕熟思審定密之

山西按察使臣蔣洞謹

奏爲敬陳足食足兵以收實效事竊惟

國以民爲本民以食爲天天下何處不應積貯而惟沿邊爲最急兵可百年不用不可一日不備天下皇上何處可弛武備而惟沿邊爲最重臣前在邊庭軍興以來竊見當地之倉廩無幾千里之餽運維艱恩霽長征遠戍每慮糗糧之難於接濟至於兵制之數具在本足以資戰守而勤惰不齊強弱參半披堅

執銳之士未必盡皆精練也臣受

恩深重圖報無由苟有一得敢不罄竭愚誠所有積貯
武備事宜敬爲我

皇上陳之竊計沿邊積貯約計須二百餘萬石乃爲豐
裕但建倉買穀經費浩繁而西土賦稅稀少戶鮮
蓋藏於何措辦臣查捐納欵項久經停止誠不可
以復開而常平倉捐監之例無礙於吏治民生臣
請暫歸併甘肅各省俊秀捐監者俱赴臨鞏藩司
衙門交納或慮未敷量加紀錄加級捐貢二三條
俟足二百萬石之數停止則經費裕而積貯有資

矣至口內口外肥饒之地可以耕者宜令各該地
方官廣行召募開墾並以召募開墾之多寡課其
能否則野無曠土而穀石自裕矣若夫兵以衛民
皇上武備宜修必須兵無空缺選擇精壯老弱則盡行
汰不得濫行頂充臣前與勦番之役深知制勝
之技無過鎗礮查陝西官兵不下數萬於中誠得
壯勇精熟鎗手三萬名礮手一萬名勤加操演十
分精熟臂指可使何寇不摧此固武備之急務也
至邊人勇健武技本所嫻習自民間不得私挾鳥
鎗等器不得私養馬匹雖足以禁戢姦宄而本分

良善之人轉乏防衛之具竊以爲挾持鳥鎗不許
養馬之禁宜嚴於內地而少寬於邊塞俾於農隙
之時任其練習斯亦寓兵於農之意將塞下之銳
勇匝地而邊疆之武備彌嚴矣以上足食足兵之
見臣不揣冒昧罔知忌諱輒行瀆瀆萬分中端冀
奏是否可備採擇伏祈
皇上睿鑒施行謹

奏
詳閱所論識見甚淺可謂只知其一二不知其三四也
山西按察使臣蔣河謹

奏爲恭繳

諭旨事竊臣前奏恭請

聖安一摺奉有

硃批臣跪讀之下仰見

皇上聖神文武包涵無外萬幾貫徹其初終庶務經營
睿鑒於美備洞照九有之情形默運萬邦於指掌

聖慮周詳恭

聖謨廣大小臣智識短淺仰荷

聖恩指示訓誨實廣開茅塞之心感激涕零今後惟凜

聖

硃批諭旨

九

蔣河

聖訓每事務益加謹熟思前後不敢但見一偏以仰副
聖恩我示賜編實與開來來之志以爲新志今外對景
皇上提命之至意所有奉到
御批理合恭繳伏祈

睿鑒謹

皇奏聖訓之流心而後代出幾其始其因絲無符醫營
極當加勉自勵公私二字最宜辨別明晰必心無愧作
方能永久蒙朕眷注也

山西按察使臣蔣洞謹

奏爲恭繳

諭旨事竊臣接奉

御批極當加勉自勵公私二字最宜辨別明晰心無愧
作方能永久蒙朕眷注也欽此仰蒙

皇上訓誨之恩警勉諄切

慈愛有加臣跪讀之下感惕交深惟有鏤刻寸衷夙夜
謹凜竭誠奉公不敢稍存一毫私念以仰報

隆恩於萬一耳所有奉到

御批理合恭繳仰祈

睿鑒謹

奏

殊批諭旨

十

蔣洞

凡百處須要自己求一是字爲上策此外俱不可恃卽如爾叔蔣廷錫只可照顧彼一身之是何能護庇子姪之不是再如督撫上司尚不能保其一身之是何能代爲屬員隱諱不是故曰居官之要莫過於潔已奉公盡力勉一是字朕乃惟知據理不喜徇情之主法外私恩不可倖邀也慎之勉之謹誌勿忘

山西按察使臣蔣洞謹

奏爲恭報春雨及時事竊惟晉省地多高原恒資雨澤而雨澤霑足尤在及時查太原大同朔平寧武等府平忻代保等州一帶地方深春始暖二麥生

發固藉雨以長養汾州潞安澤州遼州沁州至平陽以南蒲州解州絳州吉州隰州一帶地方物候較早麥穗將吐尤賴雨以滋培農人望雨之情斯時實爲倍切今於本年閏三月初三初四及初七等日甘霖普徧據各州縣陸續報到或稱得雨六七寸或稱得雨四五寸三四寸不等田畝獲優渥之施來牟兆豐亨之慶臣備員地方曷勝懼忭之至謹具摺奏

聞仰祈

睿鑒謹

殊批諭旨

廿

蔣洞

奏

頃據德明奏報晉省得雨情形甚屬糊塗覽爾此奏朕懷深慰曷勝嘉悅之至

山西按察使臣蔣洞謹

奏為恭繳

諭旨事竊臣接奉

御批凡百處須要自己求一是字為上策此外俱不可恃即如爾叔蔣廷錫只可照顧彼一身之是何能護庇子姪之不是再如督撫上司尚不能保其一身之是何能代為屬員隱諱不是故曰居官之要莫過於

潔已奉公盡力勉一是字朕乃惟知據理不喜徇情之主法外私恩不可倖邀也慎之勉之謹誌勿忘欽

此臣跪讀之下感懼交切伏念臣仰荷

皇上教訓時時提撕警覺終始成全之至意雖父師之告誡亦未能深切肫摯至於如此臣惟有惕厲小心勉竭愚誠欽奉潔已奉公四字書紳銘心以仰報我

皇上提命之洪恩生成之大德於萬一耳所有奉到

御批理合恭繳伏祈

睿鑒謹

奏

惟以不欺不隱為要勉之

山西按察使臣蔣河謹

奏為密奏事本年六月二十六日據澤州知州劉毓
 近有二字少屬含糊起自何時須當察確看此局面似
 非一時偶聚細加密訪具奏以聞
 養祿等垂涎富戶欲思抄搶捏造避瘟謝神妖言
 布散黃帖糾約多人夜聚明散如有不入其黨者
 羣持兇器威逼又將捕役拘留毆傷防兵宋全卑
 職親往開導雖陽言解散陰復糾人似此不法未
 便任其蔓延惑眾除移會潞澤營作速赴州協同

防守外合亟詳請調撥協捕等情到臣臣即專差

衙役嚴督該州緝捕首惡諭散被誘愚民并行隣

近沁水陵川等縣於地界相連處所各帶幹捕訪

據此景象諒必聚集多人矣大約人數若干察明奏聞

嚴督緝捕自當以拏獲首惡為要其餘脅從原可不

株連朕不過欲審知其局勢耳

村莊宣布業並無對累五日又對詳請關

皇上德威諭以利害村莊民人俱感激鼓舞無復附入

其夥者伊等同夥解散職率領健役鄉勇已將其

擒拏之時曾否拒捕
教師焦明由拏獲又擒獲黨惡劉和尚等五名其
餘匪類各散容職伺便密拏等情七月初四日又

據劉毓岳報稱續獲同黨孫子瑞王珍楊章等十

名并搜獲合同黃符等件其各犯供出之靳廣王

君祿并河南懷慶府做過副將之楊姓等及陳桂

皇上焦養祿等現在緝拏俟獲日另報至地方居民俱

各照常安業並無擾累初五日又據報稱移關濟

源縣同夥翟神仙亦已拏獲現在起解等情前來

除復差役督令嚴拏陳桂等必獲務盡根株并行

隣近地方協捕其合同黃符等件先呈護撫臣高

成齡所有現獲人犯焦明山等十七名俟解到省

城審明申詳護撫臣核審具

此楊姓者更為緊要

止差人役會用兵弁否

題外事關匪類糾黨現在擒獲解散情形謹具密摺
奏

聞伏祈

皇上睿鑒施行謹

奏

緝捕有方甚屬可嘉此種匪類豈可一日姑留於地方

耶

山西按察使臣蔣洞謹

奏恭請

皇上聖安

殊批諭旨

朕安

近日都中秋雨連綿不止朕正爲此憂慮山西目今雨
暘情形應乘便附聞何故竟未奏及耶

山西按察使臣蔣洞謹

奏爲恭報晉省嘉禾盈野年穀豐登仰祈

睿鑒事竊臣前具恭請

聖安一摺奉有

硃批臣跪讀之下仰見

皇上宵旰勤求無刻不以民依爲念臣未隨時

奏達致煩

聖心懸注愚昧之愆惶悚靡旣伏查山西今春雨澤及

時二麥俱已豐收閭閻歡慶自夏及秋以來尤爲

雨暘時若查據通省各府州縣所報或五六日一

奏雨或七八日一雨俱際田間引領之時但多霑足

歡望之歡並無積雨之患見在天氣晴朗即日百穀登

場收成約有十分又據陽曲清源平遙靈石等縣

各詳報嘉禾呈瑞一莖二穗至六穗不等臣親行

捧驗實屬非常此皆我

皇上敬懼谷糶呈嘉禾吐藟桂報呈藉蕪穰豆高如

天勤民精誠感格爰致此千倉萬箱之盛並產此雙岐九

惟只穗之奇也緣事關上瑞理合具奏並請北雙如此
皇題敬將各縣所呈嘉禾加謹封貯呈詳護撫臣高成
齡劄實圖冊常北背非

題報外謹此奏

聞仰祈 聖鑒謹
奏雨丈十八日
睿鑒謹

覽奏並無積雨之患朕懷深慰

山西按察使臣蔣洞謹

聖奏為遵

旨覆奏事竊查澤州大箕地方匪類聚眾不法前據知
州劉毓岳詳報到臣即具密摺奏

聞嗣於七月二十日臣家人齎捧原摺回署荷蒙

聖明指示精詳無微不至

諭臣細加察訪據實奏聞臣凜遵

聖諭即專差幹練屬員又令信實家人前往大箕一帶

地方密為細訪所有實在情形謹行

奏明伏奉

御批近有二字少屬含糊起自何時須當察確看此局
面似非一時偶聚細加密訪具奏以聞欽此臣謹查

頭自陳桂焦養祿王君祿等與首惡靳廣平日俱
係不務本業之人隨有河南濟源縣人翟斌如衆
號爲翟神仙者素知醫卜兼奉道教向與靳廣等
往來熟識本年三月內遂陰結邪黨習學拳棒夜
聚明散形迹詭祕至六月十九日知州劉毓岳訪
聞確實差役拘捕適大箕里有觀音會人衆混雜
首惡靳廣頭目陳桂等卽糾約夥黨威逼平民以
致拘留捕役毆傷防兵至六月二十三日聞有官
兵前來方行解散臣見在嚴刑審訊究其意欲何
爲據供欲於九月內抄搶富戶衛姓陳姓并欲謀

搶州城等語緣首惡頭目逃往河南等處未盡弋
獲口供未能畫一又欽奉

御批據此景象諒必聚集多人矣大約人數若干察明
奏聞嚴督緝捕自當以拏獲首惡爲要其餘脅從原
諱可不必株連朕不過欲審知其局勢耳欽此臣謹查
六月十九二十二等日靳廣陳桂共聚一
百廿二十人羣集大箕河灘其首惡頭目與知情
同夥者不過二十餘人此外俱屬迫脅附從之衆
臣仰遵

聖諭如果逼勒是實自應不必株連其屬同謀知情者

聖旨斷不容少為寬縱再拏獲教師焦明山與黨惡劉和尚等欽奉

御批擒拏之時曾拒捕否欽此臣謹查拏獲焦明山劉和尚之時俱係紳士鄉民舉首到官協同捕役擒解並無拒捕情事至供出之河南楊副將欽奉

御批此楊姓者更為緊要欽此臣謹查該犯本名楊廷選係山東人曾做過濟源千總犯事革退愚人遂

據混稱為副將見在懷慶府東關外居住臣隨行令澤州飛行關提據回稱未准差拘之先已潛逃汝州寶豐縣去等語臣即具詳護撫臣高成齡差員

前往守提并星飭澤州差捕嚴拏務獲在案至督令嚴拏陳桂等欽奉

御批止差人役曾用兵弁否欽此臣謹查前雖移營撥兵協捕嗣於六月二十三日黨羽解散後各犯等

自知罪無可逭旋即分頭四散逃遁見在止多差捕役四路躡緝並無占據窩巢藉用兵弁擒剿之

事以上各條臣仰奉聖旨細加確訪實在情形臣見在會同欽差御史臣性桂布政使臣高成齡欽遵傳奉

密旨將前獲之焦明山翟神仙等與續獲之郭海龍張

冉公楊世虎趙三李世正齊順才范溪劉三等逐
既經獲到許多人犯焉有不得實情之理
日嚴審務得確情并俟嚴拏首惡靳廣陳桂焦養
祿王君祿楊廷選等到案公同確審會同具摺奏
聞外先此

奏覆伏祈

皇上睿鑒謹

奏

覽悉

山西按察使臣蔣洞謹

奏為恭報瑞雪普遍事竊惟冬雪為春麥之資而霑

足乃豐收之兆查據太原汾州潞安平陽大同寧
武朔平七府澤遼沁蒲解絳吉隰平忻代保十二
州所屬之各州縣於本年十月初三初四及十九
奏云云等語等日陸續申報得雪或稱三寸四寸
或稱五寸六寸以及尺餘不等瑞雪繽紛各屬俱
主小已普遍從此再添臘雪固為優渥之施即令遙接
霖天春雨亦可保土膏之潤合省軍民咸以此為豐登
奏之兆莫不感戴

聖主恩澤額手稱慶臣目睹嘉徵實深歡忭理合繕摺

聞外奏

殊批諭旨

聞仰祈

睿鑒謹戰兢手舞足蹈日想嘉祥實深感荷惟於野合縣
奏之兆莫不感

若云雪係來年收成預兆則可麥禾長發全靠春雨爲
主也臣普山西按察使臣蔣河謹分奏爲密奏事竊惟各省藩庫銀兩關係重大司其任
者在辨析事之公私詳核用之當否當用則正項
自應動支不當用卽耗羨亦應節省今山西布政
使臣高成齡於提貯耗羨公費一項凡往來酬酢

等費並非公事恣意取用聞已虧項至數萬以外
新任撫臣石麟不准開銷高成齡無可彌縫乃議
於各州縣養廉內先擬派五萬兩或扣一季或扣
兩季以作抵補各員面雖承應實多怨言且恐各
官養廉不敷必至派累百姓至如建設人
先農壇一事

皇上重農祈穀創千古未有之盛典自應發給帑項俾
之辦理乃各屬敬謹恪恭承辦恐後而高成齡度
外置之一切興工老農諸費迄今並未給發又如
禁止黃銅器皿交官給價自應查明定價給發乃

高成齡一任州縣呈詳漠然不應去年所繳銅劬至今未經領價經臣詳請撫臣飭行發給而奉法之民已不免守候之累又若大同朔平寧武三府所屬改設之陽高等九縣衙署監獄俱關緊要自應詳請具

題動支建造乃經今三載官員俱借民房居住人犯亦借店舍看守頻經府縣估價造冊呈詳臣亦再四移催高成齡視為泛常一任耽延臣近已詳請撫臣石麟速飭藩司估議具題以上各條臣既有見聞不敢不

奏伏懇

皇上諭旨密飭撫臣石麟徹底嚴查斯官帑不致濫用公事不致廢弛而地方官民均沐

皇仁於靡既矣謹具摺密

奏仰祈

睿鑒施行謹

奏

將此摺密交石麟看若查有實據卽具題嚴叅石麟看過密之

山西按察使臣蔣洞謹

殊批諭旨

三

蔣洞

奏爲恭謝

天恩事竊臣於本年十二月初五日接臣叔蔣廷錫家信伏知臣父蔣陳錫山東倉穀羨餘一案經山東巡撫塞楞額查明具奏九卿議覆欽奉

諭旨將臣父名下應追冊費公費二項銀兩

恩賜豁免臣聞

命之下感悚交集隨望

闕叩頭恭謝

天恩激切微悃不禁涕泗橫流伏思臣父蔣陳錫捐穀一案仰蒙

皇上准令行查實在數目臣父共應追賠銀七十九萬五千餘兩較之原叅之數已減三分之二仰荷皇上洪慈超逾格外今復奉

諭旨將應賠冊費公費銀五十八萬兩零

特賜豁免

隆恩異數曠古未有臣一門百口沐

皇上再造隆施感激之私銘心鏤骨惟兄弟子姪互相

誠勉共矢愚誠務期竭盡駑駘以仰酬

高厚於萬一爲此具摺叩謝

天恩伏祈

硃批諭旨

睿鑒謹

奏

感激之忱何待汝之奏謝朕始見信耶必也屏盡私心
勉勵爲國家柱石之臣有以利益社稷蒼生方爲不負
朕之格外恩施耳勉之

山西按察使臣蔣洞謹

奏爲欽承

諭旨謹行

奏覆事竊臣緣臣父蔣陳錫捐穀一案蒙

恩豁免具摺恭謝

天恩奉有西北高泉大奠土膏之節今察五六平二員
御批伏念雖受兩文部軍海並三君兩實爲二步之
恩深重日夕矢心竭盡駑駘今奉

諭旨仰荷

皇上訓誨之切勉勵之殷捧誦之下感愧交深敢不祇

天語夙夜兢惕屏私守正盡力竭誠以冀仰副
聖心上報

隆恩於萬一所有欽奉

硃批諭旨恭行呈繳謹此

新奏覆伏祈

睿鑒謹萬一

聖奏土辨

言之雖易此要看爾祖宗積行及爾福量何如耳朕每觀根基淺薄者竟有心欲勉而力不能之勢但將方寸持正時以公誠自律庶幾福基漸厚本立而道自生也勉之勉之

恩賜山西按察使臣蔣洞謹

奏為恭報春雨及時事竊惟三春雨澤實為二麥之天恩資而西北高原尤冀土膏之潤今雍正六年二月

二十一日二十二日晉省太原地方雨雪並施徹夜連朝入土尺許四望同雲密布沾被之處甚寬際此及時之施二麥豐收已可預必歡聲盈野莫不

額手

聖主景福致此

恩膏臣備員地方曷勝懼忭之至理合具摺奏

聞仰祈重大

睿鑒謹

奏

覽春雨情形不禁以手加額地方刑名如能允當上感

殊批諭旨

西

蔣洞

天和朕可力保勉之慎之

奏山西按察使臣蔣洞謹

竊奏為密奏事竊臣奉撫臣石麟委署布政司印務錢糧重大臣徹底清查庫中正項錢糧並無虧缺雍正元三年耗羨實在存銀六十餘萬兩四年僅存五千餘兩五年除未完民欠銀三萬餘兩外見存司庫銀四萬餘兩臣將節年用過公費逐一詳查其中有浮銷濫支應核減追賠者約共銀九萬五千餘兩欸項繁瑣不敢瀆

奏已逐一造冊呈明撫臣著落伊都立高成齡及經

手各官追賠歸還原項外理合具摺奏

聞伏乞

睿鑒謹

奏

覽奏已悉逐項一一查明仍候岳濬到任再加斟酌而後定議方是

山西按察使臣蔣洞謹

奏為奏

聞事竊姪於雍正五年十一月二十四日據臨晉縣知縣劉國琮詳報該縣張村人師刑等抗糧阻比聚

殊批諭旨

五

蔣洞

衆鬪堂等事旋獲張臣樊中花二犯該員不加防
範致令脫逃業經具詳撫臣石麟以疎縱晉罪
題叅在案嗣知各犯藏匿各村奉巡撫檄行嚴拏諭
以第緝首惡無滋紛擾該州縣等隨親往開導并
出示曉衆無如村愚執迷堅不送出遂令人役前
往查拏內有張村咎村人又聚集拒捕致傷死衙
役楊魁等三名被傷衙役鄭國金等十餘名據該
州縣等詳報前來如此冥頑兇悖自干罪戾似應
派撥兵弁彈壓多差委幹役民壯緝拏并飭該地
方官詳加分別無使兇徒漏網而良懦株連除詳

皇上撫臣石麟外理合奏

聞謹

奏

知道了此種頑民敗俗干紀務宜窮其根源不可少有
寬假以長刁風尤不可絲毫掩飾以圖苟且完結一面
嚴緝一面確查奏聞

山西按察使臣蔣洞謹

奏爲奏明雨澤及時民生樂業事竊查晉省自本年
二月二十一日得雨之後兩月以來各屬雖時有
雨澤而太原汾州平陽三府所屬及平定州忻州

所屬地方天氣久晴四月二十一日始各得雨一
二寸不等迨二十九日太原府地方得雨自戌時
起至三十日未時止徹夜連朝甘霖霏霏徐而善
入土膏深潤且四望雲合得雨之處甚寬汾州平
陽府平定忻州地方亦俱得雨入土深透五六寸
不等二麥自各豐收秋禾亦俱播種又晉省地方
四月間時氣流行頗多傳染第不過一二日即愈
奏人民並無損傷今時氣盡消民生安業合併奏

聞統祈

皇上睿鑒謹

奏

覽奏久晴得雨時氣業已全消朕懷深慰

奏山西按察使臣蔣洞謹

容奏爲恭謝

天恩事竊臣接到邸抄奉

旨廣東布政使員缺著山西按察使蔣洞補授欽此臣

恭設香案望

闕叩頭謝

恩訖竊臣至愚極拙屢年以來疊沐

皇上高厚隆恩至優至渥方愧未有寸效時切悚懼乃

殊批諭旨

三

蔣洞

皇上復蒙
特旨授臣粵藩重任
聖恩愈厚報稱愈難
臣惟夙夜兢惕奉公守正不敢稍
存瞻顧因循之念竭盡犬馬之力以冀仰答

高厚洪施於萬一耳為此具摺叩謝
天恩伏祈

睿鑒謹

奏

覽

將責任內事交代完畢來京聆朕面諭

山西按察使陞任廣東布政使
臣蔣洞謹
奏為遵

旨奏明事竊晉省臨晉縣張村咎村拒捕合案
臣前繕
備摺摺奏

聞奉有

御批

諭旨即嚴檄蒲州及該縣查拏并疊行懸示重賞務將
各犯緝獲嗣獲師刑一犯提解省城臣細加研訊
供出拒捕張景師等
聞該犯等以情罪難追欲仍作拒捕之計現又差

殊批諭旨

天

蔣洞

人密訪問撫詎石麟傳示怡親王札緣太原鎮臣
袁立相摺奏州縣乏員整理等因奉
旨石麟蔣洞不應疎忽至此詎跪誦之下不勝惶悚荷
皇上天恩不卽加罪責

命怡親王傳

諭嚴飭

聖恩高厚感激無地所有微臣感悚之忱合行
奏謝正在繕摺間據署臨晉縣閻鈞稟稱樊中花張
臣二犯傳訊伊等兄弟又已選役給批并差押親

人緝拏復親至三村角孟村咎村民人俱遠出迎
接極辯並未拒捕惟張村一村向其勸諭令將拒
捕之人送出則有要死死在一處等語牢不可解
又據蒲州知州崔佩報稱樊中花一犯已於陝西
朝邑縣地方拏獲等因隨飭該州縣分別設法迅
緝張臣及拒捕各犯務獲并提樊中花到省親訊
聞蘇外再查師刑樊中花二犯雖經就獲而閻鈞所稟
張村固結袒惡情形與臣密訪無異勢必不甘束手
此非數十名快役民壯所能拘拏似應撥兵擒

聖裁指示令臣親赴臨晉會同營員帶兵相機緝拏庶
可戢兇頑而振法紀良善百姓亦不至波累矣謹
具摺奏

聞統祈再
睿鑒施行謹

奏
此事朕遣部臣前來查究辦理候旨遵行

光祿寺卿臣王璣山西按察使陞任廣東布政使

臣蔣洞謹

奏為奏

聞事雍正六年六月初四日臣王璣奉
命馳驛往山西辦理臨晉縣拒捕一案臣跪聆

聖訓即於初六日出京十三日抵太原省城遵

旨會同陞任按察使臣蔣洞先發告示宣布

皇仁招徠投首遣蒲州府知府劉登庸預行曉諭等

於十六日由省起身二十四日到縣查得事起於

被參之知縣劉國琮催科無術重刑徵比以致激

民鬧縣當經把總勸散劉令不應捏詳拆屋毆官

張大其詞況所舉張村師刑角孟村張臣咎村樊

中花倡率之處係民壯王彪舉報鬧縣之張臣實

屬張村人氏而所報獲之角孟村張臣原因急公送驛點驗誘拏卽樊中花投首到縣該令亦並不問取確供概行監禁迨十二月二十七日午後樊中花張臣因禁卒酒醉隨開鎖脫逃劉令以越獄具報經撫臣石麟具疏叅革委有萬泉縣知縣杜庭珠署事復檄飭蒲州知州崔佩絳州知州萬國宣署縣杜庭珠帶役查拏但該州縣不應於三月初四日夜帶役各村分查而崔佩復駕馭無術以致村民倉惶急迫拒捕傷人誠如

聖諭不當於昏夜擒拏也伏查張村離城二十餘里共

一百八十餘戶內包大興一村鄉愚恐懼盡徙室家所餘僅老朽數人遂至錢糧無人完納臣等於抵邑之日宣揚

聖德又發二次曉諭委曲勸化限日投歸而張村人民猶懷疑畏縮臣等再四思維查有失報河清案內太被叅革職之臨晉縣知縣孫琰素得民心當卽給示曉諭詳細指明著令前往敬以

皇上好生爲心恐累善良不忍卽申

天威以彰國法之

溫綸勸其歸化且仰體

弘慈浩蕩許以投首自新或得邀

恩末減孫琰隨卽親詣該村晝夜盡心開導千百鄉民
皇始信無欺一旦悔悟感泣盡挈人畜來歸完糧赴
縣臣等復開導安撫婦稚仍享

太平羣黎還就耕鑿今張村實在鬧縣之張臣併張
景師王廠張聲張克耀師開師全師夫張君民張
聖元長張安世張曹吳宗義等凡鬧縣拒捕之犯或
行投首或行捕獲見同先獲之師刑樊中花王彪
等分別禁押統俟審明定擬核實另行奏請
睿鑒理合先將起釁緣由以及格化情節臣等合詞奏

聞謹

皇奏

前後情節瞭如指掌嘉悅覽之

山西按察使陞任廣東布政使臣蔣洞謹

奏爲恭報晉省秋收分數仰祈

睿鑒事竊查晉省所屬地方今歲自五月以來雨澤霑
霖足嘉禾疊見今築場納稼之會雖鹵地沙磧及山
間藪岡田畝亦有七八分收成而豐收之處高原下隰
莫不芟梁在望統而計之收成實屬十分合省羣

聖羣黎咸以屢豐之慶感戴

殊批諭旨

三

蔣洞

聖澤載道歡呼臣睹此盈寧曷勝額手所有秋稼收成
年歲豐登之處理合具摺奏

聞謹

奏

秋稼收成深慰朕懷但不可少涉肆志當勉之又勉慎
之又慎

山西按察使陞任廣東布政使臣蔣洞謹

奏為奏明事竊惟各省開墾地畝一案伏蒙

皇上天恩特頒

諭旨宥其已往准令首報統於雍正七年入額徵解欽

遵在案臣於雍正六年正月二十九日接署山西

藩篆檢查案冊見首到墾地八十餘頃即查催各

屬地方官宣播

在諭實力開導務使鄉愚家喻戶曉今自本年二月以

開墾迄六月據各屬詳報首墾地畝三千一百餘頃連

前所報共有三千二百餘頃限期已屆不敢少稽

見將首報畝數造冊呈詳撫臣核

題外墾竊有請者查見在首出地畝雖已有三千五

聖恩百餘頃但臣之勸諭僅止四月有餘晉省地方遼

濶必尚有首報未盡之地臣見又嚴行飭查自必

有陸續首報者雖限期已逾可否仰懇
聖恩但於雍正六年內首到者續行具
題一體准於七年入額徵收免其首報少遲查察未
所奏極是
盡之愆斯官民無所顧慮自不至掩藏迴護凡有
墾地必盡行首出矣為此具摺奏
聞仰祈
睿鑒施行謹

奏

候朕另降諭旨

山西按察使陞任廣東布政使臣蔣洞謹

奏為恭繳

御批叩謝

天恩事竊臣前具恭報晉省秋成一摺奉有

硃批臣跪讀之下不勝感激涕零伏念臣舉家受

皇上生成保全之

恩卽捐糜頂踵亦不能仰報涓埃而庸陋之質罪戾多

端前接臣叔蔣廷錫臣兄蔣漣家信宣傳

聖訓開導愚蒙臣叔臣兄皆嚴飭教誨諄切警戒臣感

皇上之洪恩奉家庭之嚴訓慚愧惶悚無地自容荷蒙

天恩不卽加嚴譴

硃批諭旨

批示訓戒臣雖至愚猶有人心自當時切勉勵益加謹
皇土慎不敢存一毫苟且之心以無負我皇自容荷蒙
皇上高厚隆施於萬一耳所有微臣感激愧悚之私謹
因恭繳

御批具摺

皇奏謝仰祈

睿鑒謹

天奏

訓誨開導正欲爾勉勵加慎倘若下愚不移則朕一番
高厚之恩殊屬可惜諸凡行爲當時自檢點如不妥協

而欲希冀姑容不可得也百凡須求諸已問之
天不愧不忤爲第一良策勉之勉之

山西按察使陞任廣東布政使臣蔣洞謹

奏爲裕課便商事竊臣自接署藩篆以來以晉省稅
項隱匿者多遵奉

恩諭開導各員凡有贏餘務令據實首報以無負我
皇上寬大之恩見據陸續首解俟首完之後詳明撫臣
具另冊非京之賦入之徵

題外再檢查冊籍見鐵稅一項寥寥無幾臣細加詳
覈知澤州潞安平定州多有產鐵之處每年驟馱

車載運赴四方不知凡幾而歷來並不抽稅徒令
懋遷之輩日操奇贏山澤之利不歸於官而獨擅
於民既非哀多抑末之道亦非奉上急公之義臣
請嗣後產鐵開採地方俱照銅鉛之例二八抽收
以鐵價計算完納令地方官儘收儘解視每年所
報若干再行定額斯物產於山非徒飽富商之橐
而稅賦於官亦足備匪頒之用似於

國課稍有裨益如臣言可採仰祈

皇上敕部議覆施行謹

奏

此事與撫臣石麟詳加斟酌若行之而於地方民事有
益方可具題請旨朕意且宜緩為

奏山西按察使陞任廣東布政使臣蔣洞謹

奏為恭謝

聖訓事竊臣家人齋回恭繳

御批叩謝並具辭

天恩慈摺奉有之至意然萬一且謂臣等不肖
訓旨垂跪讀之下汗流浹背又感泣沾襟臣蒙
皇止天高地厚之恩復奉

至訓提撕警覺

殊批諭旨

美

蔣洞

聖恩深重感激難名臣謹以
諭旨求諸已問之愚竊奉

天六字敬錄懸於臣室時時瞻仰刻刻儆惕以冀仰副我
皇上教誨成全之至意於萬一耳所有微臣惶悚感激
懍懼之忱謹具摺

聖奏謝仰祈
睿鑒謹恭摺

奏

操守二字甚難事也往往見極聰明大有識見之人看
不透者十居八九於此竭力勉之

山西按察使陞任廣東布政使臣蔣洞謹

奏爲奏明雍正四五兩年耗羨銀兩事竊查晉省耗
羨經前撫臣諾岷酌定以公完公之法核計歲額
該收耗銀四十九萬五千七十兩零內除支銷養
廉及公費外存留銀二十萬兩以彌補無著虧空
自雍正四年前督臣伊都立議減耗至加一三以
來通計每年收耗羨銀三十七萬一千餘兩爾時
公費又多浮濫以致存留司庫耗銀甚少是以雍
正四五兩年耗羨前布政使高成齡任內未經造

奏報臣署藩司印務將一切公費逐加核實凡屬濫用浮銷之項業經詳請撫臣

題追在案今各項公費俱核實節省嗣後每歲約可存剩耗銀一十一萬六千餘兩以備採買穀石爲地方積貯等項之用除將四五兩年耗羨收支實在細數備造四柱清冊呈送撫臣石麟具奏外謹將簡明數目另摺開具恭呈

御覽謹

奏

汝果能秉公持正而行將來不爲人所指摘朕自有鑒

照勉爲之子受之際操守一節虛譽所在情面二字絲毫不爲搖惑方保終始無虞一涉行險僥倖斷未有不敗露之理稍看不透貽悔後日噬臍莫及如汝父卽此輩人也正所謂雖孝子慈孫百世不能改者夫復何益不特此也冥默中報應不爽尚有不得而知者在可不戒乎勉之思之

山西按察使陞任廣東布政使臣蔣洞謹不勝手

奏爲恭報瑞雪普沾疊沛億兆頂戴
恩膏事竊山西通省於雍正六年十一月初二日得雪
霑足二十三日又得微雪十二月十三十四十五

等日太原府屬得雪一尺有餘旋據各屬陸續報
恩到或稱五寸六寸或稱七寸八寸以及尺餘不等
本年正月初五初十十五等日又復得雪合省廣
被二麥獲滋培之益萬姓騰優渥之歡莫不額手
皇恩嵩呼

聖澤臣獲睹地方情形曷勝歡欣之至理合繕摺奏
聞仰祈

睿鑒謹

奏

二麥得雪雖獲滋培之益要須入夏後方可言收成也

讞獄乃感召

天和之根本平允爲清理刑名之要道敬慎毋忽

山西按察使陞任廣東布政使臣蔣洞謹

奏爲欽奉

上諭事雍正七年三月初一日奉山西撫臣石麟行知

吏部咨文雍正七年二月二十三日奉

上諭聞二月初五日夜山西蒲州城內道府城守文武
衙門三處同日被盜明火執仗劫去衣物等項此事
朕已聞知而巡撫提督兩司何以遲延尚未奏聞山
西地方盜竊之事甚多今以地方大員衙署尚且被

劫則民間可知矣巡撫提督等所司何事而疎縱廢弛至於如此著巡撫提督等轉飭屬員將蒲州盜犯嚴行緝捕務令全獲倘少有隱飾逾限不獲定將巡撫提督等一併嚴加議處欽此臣跪讀之下不勝惶悚遵查本年二月十五日據永濟縣申稱二月初四日夜河東道署內失竊當委役分緝獲賊藍樹奇供出夥賊張五等四人隨選差幹捕躡緝同日又據該縣申稱蒲州協鎮署內於二月初四日夜亦被賊竊等因當經臣嚴飭蒲州府多差幹捕勒緝賊贓務獲嚴審行劫幾次有無窩主律擬招解

仍將同城疎防各官職名報參去後嗣據霍州知州申稱選差同永濟縣差人於二月十一日黎明在辛置店內將李添才等一行七人拏獲當即嚴訊各供認分竊道協衙門是實隨將各犯及贓物查點開單選差護遞至永濟縣收審等因又據洪洞縣申稱正月二十八日該縣署被竊又據申稱經霍州拏獲賊犯李添才等七名並贓物遞解到土備縣查點贓單內有與失去衣服等物相符等因當以係屬慣賊恐遞審疎虞卽飭歸永濟縣分案嚴審招解並又檄催嚴查各強竊確情勒緝賊贓全

皇上訓誨之恩於萬一所有微臣感激惶悚之忱謹具

摺奏自是

謝仰祈

睿鑒謹

奏

酌之人情合諸天理較利與害計是與非何一不當痛

自勗勉耶若猶矢志不堅仍復因循故轍非鬼神使然

即係

天奪其魄耳自勉之道無他惟竭力克盡一誠字而已至

於感激悚惶不過外像敷衍情形亦何益之有

山西按察使陞任廣東布政使臣蔣洞謹

奏為恭報雨澤普霑事竊本年晉省地方春初得雪

經臣摺奏茲三月初一日太原府屬得雨雪三寸

奏有餘嗣據各屬報到或稱三四寸以及五六寸不

容等臣奉

命會同查看汾河於初四日自太原府起身所有辦理

事宜俟具

欽差臣何國宗馬爾泰定議公摺具奏外臣十一日行

至洪洞縣逢雨竟日旋據各屬報稱四野霑足二

廿三日回至介休縣地方又復遇雨各屬報到亦

殊批諭旨

聖

蔣洞

皆普徧一月之間三逢雨澤通省之內咸獲優渥
汾州平陽絳州等屬地方物候較早高原下隰二
地麥已俱十分菁葱茂盛所有雨澤日期及春麥情
形理合具摺奏

聞仰祈查奏
睿鑒謹

上天之嘉應朕可保其必不爽也

山西按察使陞任廣東布政使臣蔣洞謹

奏為欽奉

上諭事竊本年二月初四日夜山西蒲州道協兩署被
盜及獲賊緣由經臣具摺

奏覆外茲據蒲州府據縣錄供申稱所獲賊犯八人
內李添才馬三傅二馬福成張五等五犯本年二
月初四日夜分入道署協署行竊李虎藍樹奇王
克已三犯在灘看守牲口又據馬三供去年八月
二十六日同馬二張漢傑藍樹奇四人自平陽府
假稱買馬各騎騾而行九月初三日至太原府馬
三同張漢傑進偷督學署內所獲賊物經馬二馱

往張家口變賣嗣據陽曲縣審據賊犯馬三供出
贓物貂帽刻絲包袱等件呈驗學臣署內認係原
失之物至李添才等供案纍纍實係便捷積賊除
飭嚴加防範逐案細審移查明白起驗正賊定擬
招解以及遴差嚴緝供出之馬二務獲外臣查此
項賊人扮客乘騎遠出流竊任意越城慣偷衙署
非尋常竊盜可比容俟逐案分別審擬詳

題請

旨外先此奏

聞謹

務須徹底嚴究毋致少有疎漏

皇土山西按察使陞任廣東布政使臣蔣洞謹

奏為恭繳

御批事竊臣前具恭繳

御批叩謝

訓旨一摺復蒙

聖訓諄切愷至臣跪讀之下通身汗浹惟有欽承勗勵

奏謹將奉到

訓旨時時虔誦事事黽勉以冀仰副

殊批諭旨

器

蔣洞

聖主至訓於萬一謹

奏

不能據實無欺於未諭之前徒然通身汗浹於奉訓之後何益耶戒之向後惟黽勉不欺隱三字爲要

山西按察使陞任廣東布政使臣蔣洞謹

奏爲請

旨事竊查徵收稅課贏餘一案蒙

皇上天恩准令自首既免從前多收之處分復與以一年之限

洪恩曠典亙古未有臣奉文嚴飭并開誠曉諭各屬務

將實在數目悉行首報今除奏銷過雍正五年分

贏餘銀二萬五千八百兩零外又續首五年分贏

餘銀六千八百兩零六年分全首贏餘銀三萬三

千七百兩零經備造清冊詳送撫臣查核臣猶有

奏請者各屬已據首報或慮猶有未首之處以及陞

任離任回籍之員見在咨查未據覆到今限期已

屆可否仰懇

聖恩俯賜展限半年續有首到一體免議斯各員無所

顧慮自必全數首出不致回護掩藏共戴

皇恩於靡旣矣除詳請撫臣具

殊批諭旨

聖

蔣洞

皇題外理合奏

聞謹

聖奏

是該撫具題到日有旨

山西按察使陞任廣東布政使臣蔣河謹

奏為謹陳愚悃伏祈

俞允事竊臣舉家受

皇上天恩至深至重夙夜感戴而涓埃莫報茲聞兩路

大兵進剿準噶爾臣不勝欣喜踴躍願得效力行

間附於偏裨之列隨軍前進臣雖不武因曾列邊

準噶爾非桌子山之逆番可此豈汝所能奏效事耶

皇上天威幸有成效今欣逢

王師北討正人臣宣揚

威德蕩平逆寇之時伏祈

聖恩俞允於北西兩路將臣撥與何路委以驅馳之任

俾得少展犬馬微勞將來大軍告捷臣名得附於

勲冊之末則叨被榮光於無既矣所有懇請愚忱

仰祈

睿鑒謹

奏

殊批諭旨

吳

蔣河

兼理兩司果能秉公竭力以仰副朕之任用勝於行間
奔走之勞遠矣此請不必

山西按察使陞任廣東布政使臣蔣河謹

奏爲欽奉

上諭事竊本年二月初四日夜蒲州道協兩署被盜一
案經臣將獲賊及各犯供沿途偷竊情由具摺
奏達外臣又訪聞是夜有拋瓦傷人及在協署挾嚇
等事隨又密行蒲州府確查去後茲據蒲州府申
據永濟縣知縣施奕簪訊據賊犯馬福成供入協
署驚醒事主遂按脖挾嚇攜物而出賊犯張五亦

聞復供同及至城下有兵丁孔孝喝趕被賊犯李添
才拾瓦擲傷旋中風斃命副將魯彥燦任意捏諱
不令家人到案質審各情由揭報前來臣查副將
魯彥燦既不防範於先又行欺飾於後不職之愆
實所難免除詳撫臣聽候正日決擬外謹將二更
題參外謹行奏理謹此謹奏伏乞聖鑒謹
聞伏祈
睿鑒謹
奏爲恭辨兩署被盜情由恭摺仰祈
好如此方是况遇類斯事件不必絲毫瞻徇情面

山西按察使陞任廣東布政使臣蔣河謹

奏為恭報雨澤事竊晉省今春雨澤及時經臣摺

奏茲太原府於四月二十七日將晚得雨至次日清
晨約計四寸旋據各屬報到或稱三四寸或稱五
寸或稱四野霑足通省俱各普遍太原府於五
月初四日又得雨竟夜初五日將晚得雨至二更
續據各屬報初四初五等日得雨五寸六寸不等
當此田間望雨之時既獲普沾兼逢疊沛官民莫
不額手稱慶理合繕摺奏
聞仰祈

睿鑒謹

奏

覽此番奏報獲蒙

上蒼疊賜甘霖麥可望有秋矣當愈加誠敬以待之

山西按察使陞任廣東布政使臣蔣河謹

奏為恭報晉省二麥收成分數仰祈
睿鑒事竊晉省入春以來仰荷

聖主福庇雨澤霑足今二麥收穫查據各屬報到有稱
十分者有稱九分八分者其得雨少遲之處亦七
皇恩分六分俱為豐稔民情悅豫感戴

殊批諭旨

哭

蔣河

皇恩理合奏

聞所有各屬收成分數開具摺統祈

睿鑒謹到

奏

覽奏麥收分數深為欣慰然必待秋稼登場後朕懷方

釋也

山西按察使陞任廣東布政使臣蔣洞謹

奏為恭報秋禾茂盛雨澤普霑事竊本年晉省入春

以來仰荷

皇恩福庇雨澤優渥臣具摺奏

聞茲自六月七月以迄閏七月或隔五六日一雨或十

餘日一雨每際田間顛望之時輒獲甘霖查據各

屬報到日期不一而俱稱霑足現在禾稼盈疇指

日刈獲百穀豐登萬姓額手所有收成分數統俟

奏各屬報到再

奏外謹將通省田禾茂盛時雨敷被情形先行奏

聞謹事竊本年晉省雨澤普霑

奏為恭報秋禾茂盛雨澤普霑

覽秋禾情形朕懷深慰但敬畏之誠不可少間更當慎

重刑獄懋勉吏治以迓來歲

殊批諭旨

四九

蔣洞

上天之賜嘉應也勉之

山西布政使臣蔣洞謹

奏為恭報晉省秋禾收成分數仰祈

睿鑒事竊本年晉省雨澤霑足秋禾茂盛各情形經臣

奏摺備錄在案

奏茲百穀收穫查據各屬陸續報到有稱十分有餘

者有稱十分九分者其山坡沙地及得雨少遲之

處亦八分七分不等比戶切屢豐之慶載道騰大

有之歡凡屬官民莫不嵩呼

聖澤感戴

皇恩臣謹具摺奏

聞所有各屬收成分數恭行分析另開一摺仰祈

睿鑒謹之

奏

欣悅覽焉據各處亦皆奏到約畧相同朕實代汝等慶

之但不可少肆厥志當加敬加慎也

山西布政使臣蔣洞謹

奏為萬姓感激

天恩公務不日告成事竊本年九月內晉省奉文辦理

備言駝屨等項三萬副

諭旨敬謹辦理務使官民不致分毫有累茲據各屬報
天恩稱百姓聞有軍需莫不踴躍歡呼凡有羊毛繩料
之家各出所有赴官領價凡係工匠人等一時羣
集應募製造所辦物件指日齊全等語又據陽曲
平定等九十餘州縣於十月十八九至二十五六
等日已報製辦完備此外十餘州縣俱報於十一
月初旬告竣凡此赴公趨事爭先恐後二十餘萬
審鑿件之物料工作不勞而集於月餘之內不日成功
聞皆我皇仁厚澤感被漸摩之所致臣觀此尊
皇上深仁厚澤感被漸摩之所致臣觀此尊

君親上急公勇往之民情曷勝懼忭之至所有晉省備
辦駝屨等軍需情形理合具摺奏

聞謹
奏

覽奏曷勝嘉悅朕另有恩旨諭部

皇土山西布政使臣蔣洞謹

奏爲

聖恩之感被靡涯萬姓之攄忱實切謹據情

奏達仰祈

睿鑒事竊晉省辦理駝屨等項所有民人踴躍赴公陸

殊批諭旨

幸

蔣洞

續告竣情形經臣摺

奏外茲據太原平陽汾州潞安澤州寧武大同朔平
聖恩蒲州等九府平定保德忻代遼沁絳解隰吉等十
秦州所屬紳民咸以仰沐

皇上仁恩浩蕩亙古未有日切感戴今值辦造軍需分
應少效涓埃辦用工料既無差累內地運送又發
奏脚價心實難安願將屨繩各項自備騾隻自本地
運至歸化城以展寸悃等情由該府州詳請前來
臣竊以

皇上軫念有加欽奉

諭旨不使官員絲毫賠累豈令士民解送宣布
皇恩仍將脚價分發給運去後復據各屬紳衿民庶前
赴臣等衙門紛紛環籲捐備運送不願領價臣復
宣示

皇仁再三開慰而士民仍行固請似此歡躍急公皆我
皇上至德厚澤入之深而濡之久是以感激誠切至斯
也除詳撫臣石麟具

題外合先繕摺陳明仰祈

睿鑒謹

奏

民情歡躍如此實屬可慶可喜祥瑞事也候另旨批諭
該撫石麟

山西布政使臣蔣洞謹

奏爲

聖主之盛德光

天晉省之慶雲呈瑞恭摠賀悃仰祈

睿鑒事竊臣據保德州詳稱本年十一月初二日辰刻
仰觀卿雲捧日外繞三環光華四映藻彩繽紛自
辰至午照耀三時萬民咸相歡慶實千載一時之
景象昇平萬世之嘉徵正在繕詳申報又據所屬

河曲縣及興縣先後各詳報本年十一月初二日
自辰至午卿雲捧日外繞三環實爲

聖世祥符理合呈報等情到臣欽惟我

皇上

德懋勳華

功昭位育

治隆今古萬邦殷就日之思

至化洽神人四海切撫辰之慶苞符並啓瑞應時聞和

氣緜縕共樂恬熙於玉燭榮光炳耀聿彰糾縵於

卿雲璀璨三環繽紛五色映璇霄而煥彩旣疊見

於滇黔捧紅旭以流輝今復呈於汾晉表神靈之
協應咸欽

至德難名仰隆照之祥符彌顯太平有象臣曷勝踴躍
歡忭之至除詳撫臣石麟恭疏具

題外謹繕摺恭摠賀悃仰祈

睿鑒謹

皇奏

恭蒙

上天昭示此番祥瑞殊非尋常徵應之可比擬朕不禁額
手稱慶且代汝等晉省官民欣幸無既也

臣山西布政使臣蔣洞謹

聞奏為萬姓感戴

天恩急公實由至悃謹再據情

奏達仰祈

睿鑒事竊晉省紳民懇將駝屨等項軍需各從本地自

運送至歸化城

皇奏外茲又據各屬詳報急公樂運億兆同心或稱士

民前籲請之時即已挽車策騾而來轂擊肩摩爭

先裝載運往叩頭謝

恩並不領價或稱開導之下士民雖暫行領價感激涕

殊批諭旨

五

蔣洞

恩並零稽首稱謝及馱載之後仍將脚價繳庫或稱再三開慰士民將所領脚價封固貯於公所仍各自備餼糧車騾運送等情前來此皆我皇上高天厚地之德澤涵育漸摩深浹於萬姓之隱微心志所以感激奮發誠懇切至不介而孚莫可阻容懇抑如此似應准其捐運以慰輿情者也除具詳撫奏臣具

天題外理合繕摺奏

聞仰祈

睿鑒謹

奏日 嘉悅覽焉具題到日有旨

山西布政使 臣 蔣洞謹

奏為奏

聞事竊照晉省疏濬汾水一案奉

欽差工部侍郎馬爾泰等會同 臣 詳察形勢妥議辦理

隨經馬爾泰等公同查勘覆

奏稱汾河形勢惟文水一縣地勢低窪河身淤淺現

今青高以下全無河道漫流地上應請於明歲春

初自青高村至尹家社東西各開引渠一道迨三

月以後平地水涸開通正河一道其挑河渠之土各於兩岸築堤實於居民有益等因經戶部議覆奏請將文水縣應開引渠二道正河一道交與蔣洞悉照馬爾泰等所議於明歲春初興工開築先行查丈確估將所需工價銀兩實數詳報撫臣石麟題撥給等因具

題奉

旨依議欽此欽遵行知到臣臣遵於本年十二月初三日親詣文水縣沿河查丈見河道情形與從前迥

異原議自青高村至尹家社各開引渠二道正河一道現今漫流已乾皆爲沃土止有中間涓涓細流已成引河而原議堵塞東城等村之支河現今則河面寬濶或十餘丈或數十丈衆水會同河身長二十五里順流直達尹家社毫無阻礙詢之居民僉稱今歲自奉旨查勘議濬後六月內發水二次河道改流今已天然聖恩自成大河可以無庸再爲開濬等語此皆我皇上愛育黎元勤求利濟

聖德感召之所致也惟是河槽旣成尚需兩岸築堤以

聖恩致此神應從前漫淹地土復為沃壤現種春麥必
環擁咸稱仰沐

聖恩致此神應從前漫淹地土復為沃壤現種春麥必
可倍收其築堤防護所費無多沿河村民應自為
計情願陸續各修各堤無庸請動錢糧萬人齊心
實出誠悃再三慰諭懇請愈切所有覆勘過汾水
自然歸槽無庸照原議開濬萬姓感戴情形理合
奏

聞統祈

睿鑒謹

一奏
以手加額覽之實代汝等深為慶幸題到之日另有諭

山西布政使臣蔣洞謹

皇奏為
聖德之格被靡涯日小只今日知

上天之嘉應疊見億兆歡騰恭摠賀悃仰祈

睿鑒事竊晉省本年十一月初二日保德州慶雲呈瑞

經臣恭摺奏

聞外茲復據臨晉縣報稱十二月初一日從午時見卿

殊批諭旨

至

蔣洞

雲圍繞麗日歷未申酉時其雲五色繽紛霞光萬
道疊秀爭華呈輝耀彩瞻仰多時正深歡慶旋據
闔邑紳士軍民羣集縣庭歡呼鼓舞以手加額咸
稱

聖世嘉徵慶雲捧日小民今日欣逢仰荷

皇恩福慶等情前來臣伏查兩月之內晉地疊呈上瑞
此皆我

皇上聖德覃敷光四表而格上下所以嘉祥滋至日月
光華弘於

一人也萬姓莫不嵩呼抃舞微臣彌切踴躍歡忻除詳

命賦撫臣石麟具

題外臣恭摠賀悃敬繕摺奏

聞仰祈

睿鑒謹

奏

覽奏朕寅畏之念筆難宣諭晉省卿雲疊見返躬自問
實與朕之涼德無涉皆由汝等封疆大吏誠存利民之
懷兼之山右民風醇良有素咸知感戴

聖祖六十年深仁厚澤奉公守法樸實節儉默契
天心所以仰邀

慈鑒之所致也汝等睹此嘉應倍當勉勵忠誠承順
上蒼錫福晉省黎庶之心能將愛養二字誠篤爲之自必
永沐

天庥長蒙福蔭矣倘若少肆厥志

天難堪命靡常古訓不誣寧可預料於將來耶謙盈二字
之感召捷如影響體驗方知不但汝等撫藩大吏舉凡
屬輿膺牧民之責者俱當遵旨逐一諄諄勸諭令其實
切奉行夫惟誠敬昭格庶幾仰荷

天恩於弗替耳將朕此諭與該撫石麟看暨同城各官悉
令知之

順旨山西布政使臣蔣河謹

奏爲恭報瑞雪普霑事竊照晉省十月內據各屬報
稱得雪三寸二寸不等今十一月十一十五等日
各府州縣報到得雪或稱二三寸或稱四五寸十
九日太原府屬地方得雪三寸有餘二十二日西
刻至二十三日卯刻又復得雪三寸有餘通省亦
俱報稱三寸四寸不等紛披連日凝結田畝從此
再添臘雪固爲優渥卽令遙接春霖亦已滋潤萬
奏姓莫不歡呼

聖澤臣曷勝額手欣忭所有得雪日期理合具摺奏

殊批諭旨

堯

蔣河

聞謹引景觀殿手刻神像書日世畢合具體奏
奏救莫不濟

閱爾此奏較之他處所聞似覺分數浮多即據所報而
論亦不可謂為霑足仍當竭誠祈禱然晉省吏治民情
如是朕殊不為憂念想朕又前嘗遣三十七員分道省亦
上天行將有恩膏下逮也一番春雨可抵數次大雪俾以
誠恪格之未有不應之理敬之母忽十七日雨四五寸

山西布政使臣蔣河謹

奏為欽承

訓旨叩謝

聖恩事竊臣家人齋回臣恭報慶雲疊呈一摺奉有
硃批諭旨臣跪讀之下感悚交深欽惟我
皇上敬

天法

祖至仁大孝

道隆今古

化洽神人

至至治光昭疊致雲爛日華之嘉應歡聲洋溢咸抒嵩
岳餘呼華祝之微忱乃我

皇上懷盛德以彌謙讓豐功於不有惟本行健之體益

硃批諭旨

卒

蔣河

忠奉若之心兢兢業業惟時惟幾伏奉
溫綸兼頒

至訓言言提命字字典謨臣跪誦捧繹敢不敬錄恭懸
朝夕瞻仰時時祇畏事事黽勉殫厥愚誠勤思愛
養以仰副我

皇上昭受敷錫保愛生成之至意遵將

訓旨宣知撫臣石麟同城官員欽遵奉行及凡遇屬員
遵

旨逐一諄切宣導外理合恭摺

奏覆叩謝

聖恩仰祈

睿鑒謹

奏

前諭字字皆出自至誠之念若泛泛會去視爲朕之文
章則大誤矣朕最憎心口互異與夫沽名釣譽卑鄙下
賤欺

天誑人之行事生平所恥而不爲者汝其敬信遵奉勿怠
如力行有驗灼見

天道感應絲毫不爽則可許汝爲一生福人矣勉之勉之
奏山西布政使臣蔣河謹

奏爲恭謝

天恩事竊臣接臣叔蔣廷錫家信奉

上諭山西布政使蔣河前在陝西甚屬效力今於山西
藩臬兩司任內又能實心供職辦理妥協深爲可嘉
著將伊父蔣陳錫名下應追銀兩豁免一半欽此臣
隨望

闕叩頭恭謝

天恩伏念臣父蔣陳錫名下應賠山東倉穀案內等項
荷蒙

皇上洪恩屢經減免已逾十分之九臣舉家感出望外

茲復蒙

恩旨將臣父蔣陳錫名下應追銀兩豁免一半臣聞
命之下涕泗交流感悚交集一門百口膺我
皇上浩蕩殊恩實臣夢寐不敢作此逾分之想臣惟悉
衷心勤力祇遵

聖訓砥礪龜勉以冀仰副我

皇上成全造就之至意并世世子孫永矢銜結頂戴

聖恩於靡旣耳謹具摺恭謝

天恩仰祈

睿鑒謹

硃批諭旨

空

蔣河

睿奏

汝此一生除俸祿養廉之外如再取官場中一財一物以潤私囊豈但不合恭慎

天理亦恐無此人情矣所當矢志黽勉者

聖臨山西布政使臣蔣洞謹

奏為恭報雨雪普霑萬姓頂戴

恩膏事竊山西省於雍正七年冬間得雪經臣奏報外嗣於十二月二十七八等日太原府屬得雪四寸有餘據各屬於是兩日以及本年正月初八九等日陸續報到亦皆得雪但未霑足茲於正月十六

日黎明至夜分同雲密布瑞雪繽紛約計一尺有餘旋據各府州縣陸續報稱得雪一尺三四寸至四五寸惟平陽府以南地方和暖報稱得雨五六寸三四寸不等通省普霑十分優渥二麥益獲滋培豐收可以預卜臣曷勝額手歡慶之至理合具摺奏

聞伏祈

睿鑒謹

奏

以手加額覽之畿內地方亦同被

殊批諭旨

奎

蔣洞

天恩矣特諭爾知

據郝玉麟密奏姦匪李梅事連山陝兩省若以近日山右民情而論縱令匪徒布散妖言亦豈能搖惑萬一但既有此說安可置之不問其密諭屬員遍處留心多方訪緝今將奏摺一併發來爾同石麟詳看共商作何查究方不致有疎漏須當極加慎密勿俾風聲宣露於外特諭

山西布政使臣蔣洞謹

奏為遵

旨奏覆事本年正月二十八日接奉

皇上密諭一道又奉
發示廣東督臣郝玉麟奏摺臣遵

旨隨同撫臣石麟詳看知廣東恩平等處有不法姦匪妖言惑眾不勝髮指又供扳山陝等省亦經姦匪李梅散有偽劄等語仰荷

聖明洞鑒指示周詳臣遵卽密行四散訪緝并囑各屬委員密密留心多方查訪不得聲張又借稽查保甲奏為名廣發告示令印官佐貳不時親行查點察其聲音蹤跡倘有愚頑被誘自必究出嚴拏卽有外來竄至之徒亦必盤詰就獲臣嚴切查察慎密料

理斷不使姦匪漏網亦務令民間安堵地方寧謐
除有無匪類察確再具摺

奏外理合先行覆

奏仰祈

睿鑒謹

奏

此案看來似屬子虛大都無賴匪徒詐騙財物之舉耳
雖然防患於未萌亦係有益無損之事也

山西布政使臣蔣洞謹

奏為密奏事竊惟晉省連年豐稔荷蒙

聖恩兩次蠲免現年錢糧六十餘萬凡屬生民咸沐

恩波共登樂利惟大同朔平二府所屬有加徵草折脚

價一案稍為民累查康熙三十三年因右衛駐防

滿洲官兵每月應支米豆草束原議一半照時價

折給官兵自行採買一半在大同府屬十七州縣

衛所於應徵地畝銀內改徵本色供應每米一石

准抵正賦銀一兩一錢五分每豆一石准抵銀九

錢七分每草一束准抵銀一分五釐後因蔚州靈

邱廣靈廣昌四處運送路遠照舊改徵銀兩止有

應州等十三州縣衛所改徵米豆草束

題定遵行年久迨雍正元年十一月經鄂倫岱等議
奏右衛官兵留拴馬匹停其向民徵收本色每草
一束價銀一分五釐額外加腳價一分二釐共徵
銀二分七釐折給通計大朔二府所屬每年額外
加賦銀九千八百九十五兩零民間所有草束不
敷變價邊民無力輸將遂致歷年拖欠官兵交累
臣屢蒙

聖訓以愛養民生爲務今旣查明有此民隱理合據實
陳

奏伏祈

皇上密飭部臣查明原委

特降諭旨施恩豁免庶邊地生民永沐

皇仁矣爲此謹

奏

所奏是候另有諭旨

山西布政使臣蔣洞謹

奏爲恭報晉省甘雨普霑事竊照晉省現在二麥盈
野全資雨澤今於三月初五日太原府得雨二寸
十一日又得雨三寸霰霖滋潤麥苗長發旋據各
屬報到俱於初五初八十一等日得雨或二三寸

四五寸不等其平陽蒲州澤州三府及解絳二州各地方俱報得雨十分霑足正際望雨之時獲此甘霖之沛高原下隰麥穗盛長豐收可必其種植秋禾之地亦漸次播穀萬姓莫不額手所有雨澤普霑情形理合繕摺奏

聞仰慰

睿懷伏祈

聖鑒謹

奏

京城左近微覺乾旱朕深以爲慮兼爲山陝繫念昨據

查郎阿之奏今覽爾所報兩省均獲霑足朕之憂懷減除一半矣

山西布政使臣蔣洞謹

奏爲恭報時雨普遍霑足事竊晉省三月十一日以奏前得雨日期分寸經臣具

聞奏外茲太原府省城復於三月二十四五兩日得雨望霑四寸二十七日得雨四寸四月初一日得雨三寸初四日得雨六寸又據各府州縣陸續報稱俱於是數日得雨二三寸四五寸六七寸至一尺不等正在繕摺間省城於初七日又得雨六寸通省時

殊批諭旨

空

蔣洞

雨普被優渥霑足二麥發榮茂盛自必十分豐收
高原下隰百穀皆及時播種萬姓歌詠太平莫不
感戴日晷西成七文熟

聖澤臣曷勝歡忭之至理合具摺奏
聞謹

奏

晉省時雨普被曷勝欣慰覽奏不禁以手加額大朔
府草束折價一摺交發廷臣密議候覆到有旨

山西布政使臣蔣洞謹

奏爲恭報晉省二麥豐收分數仰祈

睿鑒事竊本年晉省入春以來雨澤霑足二麥蕃滋今
際收穫之期各屬俱陸續報到通省十分收成者
八十餘處九分者十五處八分者止十處詢之農
夫野老咸稱數十年未有之豐穰比戶盈寧皆仰
荷
聖主福澤至見在膏雨時施秋禾尤倍常茂盛所有各
屬二麥收成分數另摺分析恭呈外謹此奏

聞仰祈

睿鑒謹

奏

殊批諭旨

突

蔣洞

覽奏二麥分數朕懷深慰但勉誠敬公忠

上天之錫嘉應朕可力保若稍懈肆則恐難預必矣將朕此諭令撫臣石麟知之其共加勉可也

山西布政使臣蔣洞謹

奏爲奏明事竊臣接奉部文辦理各案軍需臣與撫臣石麟詳細酌議星速料理查城守尉察庫領兵三百名前赴寧夏駐防摘調採買馬一千餘匹俱已交收足額定於本月十八日起程訖又巴爾庫爾築城器具四萬五千餘件分派各州縣製造俱經齊全於本月十三四等日陸續委員運赴軍

前交投又製辦壯帽一千頂棉褂一千件於本月初十日造完十三日委官起解又撫標遊擊茅典等領兵一千五百名赴甘州聽調摘調馬一千五百匹採買騎馬馱騾三千匹亦已齊備現在督催各州縣解赴太原大同二鎮交收給發兵丁起程又摘調營馬一千九百八十匹採買馬二百九十八匹赴臨洮府餵養亦已陸續解送訖凡此軍務皆仰蒙

皇上天恩賞賜優渥官兵莫不踴躍奮往一應採買寬裕給發是以遵奉辦理俱各全備惟解陝馬三千

匹見在各處採買合併聲明理合具摺奏

聞伏祈

睿鑒謹

奏

候另有諭旨命大學士等由內閣頒發

山西布政使臣蔣洞謹

奏爲恭報晉省得雨情形事竊山西地方入夏四五兩月雨澤均各霑足六月迄今尤田間顛望之時查據各屬雖節次報於六月初三十三三二十一等日得雨猶未均敷惟二十八九等日則稱霑足者

甚多太原府省城於六月初四十七二十九三十等日各得雨三四寸七月初六日得雨五寸亦復普徧初八日又復得雨甘霖疊沛仰荷

聖主恩膏億兆額手所有見在得雨日期情形理合繕

摺奏

聞仰祈

睿鑒謹

奏

夏雨及時情形以手加額覽之

山西布政使臣蔣洞謹

硃批諭旨

七十

蔣洞

奏爲密奏事竊惟總兵爲專闢重寄而雲朔尤邊疆
要鎮操防彈壓全在強幹廉明今大同鎮臣徐起
鳳怠於訓練營伍未能整飭遴拔兵弁人言亦未
允服邊疆折衝之任似非所長此非臣所應言緣
從邊疆緊要起見不敢不行密

奏仰祈

睿鑒謹

奏

所奏是徐起鳳於初用時已覺其庸平料難勝大同要
任候朕酌定有旨

山西布政使臣蔣洞謹

奏爲恭報晉省秋禾豐收分數仰祈

睿鑒事竊山西地方夏秋雨澤霑足田禾豐茂經臣具

摺奏

聞外茲百穀登場之際查據各屬陸續報到分數十分

奏者居其大半餘亦九分八分其稱七分者僅一州

十五縣比戶頂戴

聖澤歡聲載道臣額手之下欣忭彌深所有各屬收成

分數謹分析另摺恭呈外理合奏

聞仰祈

硃批諭旨

主

蔣洞

睿鑒謹

奏

覽晉省秋收分數曷勝欣慰

山西布政使臣蔣洞謹

奏為奏

聞事竊晉省地方入春以來查據各屬報於正月初

初三及十九二十等日得雪潞安寧武澤州蒲州

等府屬及保德州解州代州等處各稱三四寸五

寸六寸不等朔平府屬之朔州則稱一尺有餘太原

府屬之崞嵐州興縣稱於十九日得雪僅二寸三

寸不等臣深以入春雪澤微少及尚未普遍為慮

但查上年九月十月間合屬俱得深透雨雪早寒

凝結入春尚未融化土膏猶潤而晉省二麥春種

間事居多惟以二三月得雨為及時臣備員地方敢不

表仰體

皇上敬西亦效對

天勤民之至意悉心訪察虔謹修省所有晉省春雪及見

在情形理合具摺奏

聞仰祈

睿鑒謹

殊批諭旨

奏

朕正爲此日夜焦慮當虔誠祈禱並竭力省察吏治刑獄以挽回災沴聖合具奏

天意庶可望春澤之普降也敬之母忽

山西布政使臣蔣洞謹

奏爲奏

聞事竊晉省所屬本年正月間及二月初二初五并十

九日太原府省城得雪情形臣節經摺

奏外伏查十九日得雪沾被甚廣續據太原汾州大

同寧武朔平遼州沁州平定忻州代州保德各府

奏州所屬俱報於十九日得雪三四寸至六七寸不

等大同與繁峙兩縣則八寸至一尺有餘平陽潞

安澤州吉州隰州各府州屬俱報於十九日得雪

奏一二三寸至四五六寸不等惟蒲州絳州所

眷屬據報於十九日得雪一寸二寸不等隨查二月

間初二初三等日得雨處所惟該府州屬爲均徧現

在麥苗發生土膏滋潤又平陽大同寧武府屬之

奏靈石天鎮陽高神池并忻州據報於二十二三四

等日或雨或雪八分至四寸不等仰荷

聖主洪福實屬全省均沾本月初四日戌時至初五日

殊批諭旨

三

蔣洞

望主丑時太原府省城又得甘雨三寸有餘現未晴霽
容各屬報到再行具至四七不若四荷

奏外所有全省得雪普徧省城得雨情形日期理合

具摺奏發主土音疏斷又平國大同寧左以風之

聞仰祈玉座三善日昏雨惠潤地地風為以風財

睿鑒謹肅恭摺伏乞聖鑒一十二下不若四查二月

奏十二三十三至四十五不若四查二月

覽雨雪接續情形實慰朕懷

山西布政使臣蔣洞謹 八十一只亦翁平恩

奏為恭報全省雨雪普徧霑足事竊晉省自本年正

月二月及三月初四五日各得雨雪情形經臣節
次

奏報外茲於三月初十一兩日太原府省城共得

雨雪一尺八寸有餘臣隨飛查各屬續據太平大

潞汾朔寧澤蒲九府遼沁平忻代保解絳吉隰十

州各所屬飛報於初十一十二等日各得雨雪

自八九寸至一尺七八寸不等合省東西南北各

府州統計皆十分霑足深透宿麥倍加滋長百穀

遍地播種而市集米糧雲集糧價亦漸平減萬姓

莫不踴躍歡呼咏歌

殊批諭旨

七

蔣洞

聖澤所有全省雨雪普被霑足情形理合具摺奏
聞仰祈

睿鑒謹

奏

覽奏曷勝欣悅之至

山西布政使臣蔣洞謹

奏為甘雨疊沛全省霑足事竊查三月十二日以前
晉省所得雨雪普被霑足情形經臣恭摺
奏報外續據太原平陽等九府遼沁等十州各屬申
報於三月二十七八兩日各得雨四寸至六七寸

不等惟正在彙

奏間茲於本月初四日太原府省城自酉時起雷雨
滂沱至初五日巳時四野均沾十分深透當此百
穀滋生之時甘雨應期屢沛

聖澤涵濡靡不普徧優渥萬姓踴躍歡呼臣曷勝額手
稱慶理合具摺奏

聞謹
奏
晉省雨澤如此霑足麥禾均可無虞矣朕懷深慰

奏山西布政使蔣洞謹查晉省

硃批諭旨

五

蔣洞

奏爲恭報全省雨澤事竊查晉省從前得雨情形經
臣具摺

奏報外節據太原平陽等九府遼沁平忻等十州各
聞前報於五月二十二二十三并二十八九等日得雨
二三四寸至六七寸不等又自閏五月初一初二
望至初六至十一十二等日得雨二三寸并七八寸不
等臣遂加察訪太原大同寧武朔平潞安澤州等
府代保遼沁等州甘霖時沛寸數尤多俱已十分
足處所亦已十有七八現在土膏滋潤禾苗長盛

復於本月十八十九二十三四等日省城連得大
雨尺餘四野霑足深透行查各屬已據太原大同
潞安汾州朔平寧武澤州遼沁平定忻代保德等
府州屬申報十八九日得雨三四寸至八九寸不
等米糧各價較前頓減餘俟報齊續

奏外理合具摺奏

聞謹

奏

以手加額覽焉

以手賊賊

奏

問

奏代聖合具

善米...

...

...

...

...

硃批胡瀛奏摺

雍正七年二月初九日江西按察使臣胡瀛謹

奏為敬陳管見事竊臣備員江臬職司明刑夙夜兢

睿鑒惕惟期寬嚴適當以仰副吏部而吏部之大職無

聖明欽恤之仁乃體察獄情參考刑書見律條內尚有

未經該載及可以斟酌變通之處敬為我

皇上陳之一賊數滿貫之竊盜宜定勒緝之處分一盜

奏竊鞘餉之犯宜嚴加治罪一謀殺親夫拐逃姦婦

皇上之姪兇不宜仍引監候一軍流人犯時值冬月中

途留養之例尚宜斟酌以上各條關係盜賊民命

硃批諭旨

胡瀛

刑獄重務是否可採伏祈

皇上睿鑒飭部議覆施行謹

奏

大學士會同該部詳議具奏

同日又

聖奏為直陳江省吏治仰祈
睿鑒事竊聞民生之休戚關乎吏治而吏治之大綱無

後頭緒井然年來接任之員易於經理有能按籍
徵收全完者洵為稱職上司保題陞調以示鼓舞

實至公至當之舉也但有司職分不止催科如聽

斷刑獄弭盜安良關係民生甚為緊要臣備員江

皇土臬經理刑書每見屬員必諄諄勉勵間有能辦錢

穀者不盡諳於刑名雖多方勸懲未盡改革始疑
人之才力各有短長今細加體察乃知別有私心

以為錢糧全完即可薦舉刑名案件尚在其次今
若不行詳加考核但以善於催科即行薦舉則庸
碌姦巧之徒皆得冒濫何由正人心而飭吏治乎

查雍正四年五月定例文職官員任內有承追督
催錢糧未完議處之案不准保題等語臣愚以為

錢糧數未定請盡之案不并於題等語臣愚以爲國用所關刑獄民命攸係應請嗣後薦舉保題人員除無承追督催錢糧未完處分之案外必查其行止端正聽斷明敏無已參遲延未結命盜事件俱於本內聲明方准保題則地方有司於錢穀刑名咸知並重實心辦理而無巧飾之弊其於吏治獲益不淺矣臣管窺之見是否可採伏乞 聖裁謹

皇上睿鑒施行謹

奏

此奏殊屬荒謬之至朕從未有但以催科甄別優劣之

諭旨而國家用人亦未有將刑名輕視於錢糧之理身膺臬司之職凡通省舉劾皆任其責而聽憑督撫保題庸碌姦巧之人汝豈聾瞽乎卽部中又何嘗將已參遲延未結案件概置之不問一任督撫薦舉陞調耶若照所請以行止端正聽斷明敏無據空言定爲考語不過開汝等不肖藩臬高下其手之端甚非察吏之良法據此汝必與巡撫不和否則或被屬員有所輕賤而懷洩憤之心耳慎爲之

雍正七年七月初五日江西按察使臣胡瀛謹

奏爲恭繳

硃批諭旨

三

胡瀛

奏摺事竊臣於雍正七年二月初九日為直陳江省
吏治等事摺八條五日正西對察動臣隨職
奏奉到

硃批臣謹祇領伏惟臣本庸愚受員時祇彈劾而對
皇上洪恩備員江臬夙夜冰兢雖地方吏治時切留心
但知識短淺賦質昏庸謬陳鄙見妄瀆
宸聰乃蒙我
皇上憫臣愚昧

訓誨諄詳臣跪讀之下恍如夢覺悚惶無地感激涕零
惟有竭盡愚忱和衷供職以仰答
睿鑒謹

主知於萬一必不敢自貽罪戾也所有奉到

硃批原摺理合恭繳伏乞

睿鑒謹
奏

凡為人臣者欲克盡厥職保全身名惟應務一公字捨
此而巧詐自私立意沽名釣譽縱竭其伎倆未能遂志
至身名俱敗時追悔無及矣古聖賢垂論甚詳且備世
人多務虛文而忽其實理每觀不肯為國致身任勞任
怨恃一己智術倖免者千百中不過一二默默之中仍
伏冥誅人多不得而知耳夫榮辱利害何必關心但竭

盡臣節以對

天卽君上之喜怒褒貶尚置之度外何況宵小輩之偏好偏惡私譽私毀千岐萬派豈能一一周旋而無遺耶如得本何愁末凡夫庸流往往見不及此一生勞勞用盡巧詐究竟成一笑柄寧不可惜聽朕訓旨只在根本處研究不必逐末勉之將此批諭與汝同城官員看皆令知之

睿覽雍正七年十月初八日江西按察使臣胡瀛謹

奏本年八月初五日齋摺家人捧到臣前奏恭謝聖訓一摺欽奉

殊批諭旨跪讀之下如覲

天顏感刻五中繼之以泣隨遵宣

上諭同城官員莫不敬聆

聖訓天體周知惟伏念人臣事

主當如愛親敬不公自干罪戾果能公忠不二何以告

天其根本處只有忠孝不忠何以全孝不公又何以成忠

皇上天哉丁寧訓旨諭旨難心感掛淵淵獲寶茲以

王言公之字以之事

君則能體國以之臨民則能服物徇私非公而干譽亦

非公偏執非公而徇衆亦非公不特一生勞勞用

盡巧詐非公卽有意矯矯不能任勞任怨亦非公
取與公之真偽默默中自有鑒觀人不得而知而惟寸
王言心知之也茲蒙我

皇上天語丁寧臣惟有銘骨鏤心勉供厥職辨賢姦以
其財定舉劾鋤豪惡以安良善至榮辱利害古今常有
主當只患臣心不公自干罪戾果能公忠不二可以告
聖主明並日月自能仰邀

睿鑒也爲此繕摺望以立朝數言
闕九叩恭繳龍龍之不收賜

聖諭臣不勝惶悚瞻仰之至謹

奏

果能言行相符朕復何慮勉之

同日又

奏雍正七年四月內欽奉

上諭各省富戶鄉紳當體恤貧民該部行文督撫刊刻
遍行曉諭遵行欽此江省奉到之日署撫臣張坦麟
卽牌行布政司敬謹刊刻分頒曉諭去後因布政
使臣李蘭轉發牌文內有令各屬將分送過富戶
鄉紳姓名造冊開報之語以致各屬差役社保等

沿戶挨查凡稍溫飽之家著將姓名填入富戶冊
內報官索錢到手始免開列現據進賢縣民樊子
亮南昌縣監生劉思試豐城縣監生李陳謨等各
疏控准地方官查究在案至八月初五日李蘭始行
上備文各府轉飭州縣停止造冊一切差票盡行掣銷
在布政使臣李蘭偶不經心誤添造冊開報一語
因而胥蠹作姦遂與

上諭有毫釐千里之謬今江西一省如此臣聞江南有
游手好閒之輩登門索騙富戶者有無恥生員假
聖節鄉試盤費不足之名勒索富戶者經督臣范時繹

出示曉諭嚴禁其風始熄誠恐各省間有奉行失
實者臣不揣冒昧仰懇

聖主弘慈再頒諭旨宣示各省督撫布按通飭州縣令其恭繹前頒
上諭毋得粗心誤行查造富戶名冊以啟胥役滋擾之
弊而無賴之憊棍劣衿亦不得借端需索則普天
奏率土共知查造富戶名冊以啟胥役滋擾之
皇上敦厚風俗警世覺民之至意矣爲此謹
奏

此奏可嘉處不勝批諭天下事真有可爲長嘆息者所

題明罰過動用數目免其解部充餉一則可以杜絕侵蝕二則可以整理地方三則可以免那正項於家更自清濟也否則世學錄公則之賦皆自國課民生甚有裨益如果臣言可採伏乞明以食員皇上睿鑒施行謹
奏徵田土稽查審計
勸諭富戶體恤貧民之善政尚然顛倒奉行至於此極斯事如何可行徒令宵小輩妄生議論耳地方上有實心任事吏畏民懷之督撫不待朕諭自能一一斟酌舉行若遇庸劣兩司道府不過徒滋紛擾顛倒是非公然

開市惠營私之門於民生毫無裨益若言及國課更屬可鄙可笑之論矣

硃批李元英奏摺

陝西平慶道臣李元英謹

奏爲遵

旨奏聞仰邀

睿鑒事竊臣至愚極陋蒙

皇上隆恩擢用平慶道

召至養心殿面奉

訓旨教誡諄諄又奉

諭旨令臣將所知地方事務具摺交本王轉奏欽此臣

抵平慶道任奉督臣岳鍾琪行委會同寧夏道董

硃批諭旨

李元英

新策查勘寧夏新築八旗城工衙署營房有無浮
冒果否堅固臣一路查訪頗有怨聲俱云從前估
計城工原未詳細而經理督修者又皆冒昧從事
假公濟私所用木石磚瓦鐵釘等項件件累民以
致窰戶陳萬言等怨恨沸騰寧夏三衛賠累難堪
冤抑莫訴及臣至寧夏查勘城垣外面用磚包砌
裏面與城頂惟用土堆築虛鬆不堅再查勘各衙
署概用木釘間架窄狹而營房更爲不堪木植旣
屬細小止用草簾一項遮蓋上鋪薄土搭蓋平棚
而已所以上漏下濕不蔽風雨每多坍塌如此緊

要城工而被估計督修承修各官王景灝楊廷相
趙世朗嚴世傑等彼此回護推卸不肯實心料理
營私貽誤臣不敢不據實奏

聞伏候

皇上乾斷至糧草一項最爲緊要寧夏一歲所收之糧
止可供寧鎮兵丁之需今添此三千滿洲官兵旣
未定隣近之撥運又地方所出有限目前最爲急
皇上務臣已稟撫臣石文焯聽其作何籌計撥運矣至
聞將軍衙門並各衙門之經制書役及心紅紙張各
役工食等項俱未議定章程從前始事之官亦難

免草率之咎謹繕摺奏章對露前成事之宜亦謹
聞伏祈軍機門下聖鑒
皇上睿鑒謹

奏

已用爾爲按察使矣將摺內所奏各情由備悉詳明該
督撫看伊等作何料理奏聞朕自有裁酌此奏甚屬可
嘉向後莫移此志諸凡勉力秉公爲之

陝西蘭州按察使臣李元英謹

奏爲恭謝

天恩事竊臣賦性庸愚材質駑鈍蒙我王景獻琳我沐

皇上格外天恩以知州而擢用監司越陞數等到任未
及三月復蒙

皇上特授臬司

隆恩異數至矣極矣茲接臣胞兄佛保家信奉

旨特授湖廣鎮筸總兵官又臣子侍京繼與佛保爲子
者荷蒙

皇上特放佐領是臣父子兄弟一門均沐

皇恩浩蕩犬馬尚且知恩臣具有人性能不感泣思奮

惟有交相勸勉必思整頓巖疆安輯地方必思屏
皇上絕私情正己率屬始終如一不違初志庶幾上報

硃批諭旨

三

李元英

皇上殊恩於萬一所有感激血忱實難遏抑用敢繕摺

恭謝

天恩謹

皇奏

朕如此加恩心非木石寧不知感何待奏陳但恐思路一邪而感激之忱隨化爲烏有耳每觀福量淺薄不能承受之徒往往如此自御極以來蒙朕特恩擢用者頗不乏人朕原期其感恩圖報庶幾利濟於

社稷蒼生設或徇欲昧理因私害公而冀朕袒護姑息不可得也爾等漢軍及滿洲大小臣工於利之一字勘破

者少殊不悟因些微小利致斷送身家喪失名節爲失計之大也總之服官第一以操守爲要勉之勉之最難事也莫作等閒看其間義利之分公私之辨幾微不審後悔何及可惜朕恩卽付之流水矣慎之慎之

陝西蘭州按察使臣李元英謹

奏爲恭繳

硃批事竊臣前奏恭謝

天恩一摺實由感切寸心不能遏抑冒昧陳

奏仰蒙

皇上硃批訓諭詞嚴義切教誡周詳臣跪讀之下感激

硃批諭旨

皇上涕零惟有敬誌於心朝夕默誦時時警惕以爲終
身之戒庶不負我

皇上訓勉之洪恩於萬一耳所有奉到
硃批理合恭繳謹

奏

近日爾之聲名雖無甚不好處較前志操則大爲不如
甚不敷朕所望勉之慎之

陝西蘭州按察使臣李元英謹

奏爲奏

聞事竊臣沐

皇上天高地厚之恩凡關係通省事件無論所管與非
所管均當時刻留心細加體察謹以時下所聞并
臆見所及不揣冒昧備悉陳

奏一估撥之例宜爲畫一也查甘省估撥定例於九
十月間將本年額徵糧石估撥次年兵食先爲報
部次年照數支散又因甘省營驛歲需糧五十六
萬餘石而每年額徵糧止有四十九萬餘石每於
本色之外約估折色此例行之已久惟是州縣營
汛多寡遠近總無一定章程以致胥吏作姦上下
其手竟成錮習每於估撥之時州縣營汛紛紛營

謀以求各遂其私臣查雍正二年間曾奉部文令將兵糧秉公撥定畫一造冊報部永爲定例嗣經前任布政使傅德以甘省非他省可比朦混咨覆至今舞弊如故以臣愚見仍請將州縣額徵之多寡與營汛之遠近逐一計算定爲某州縣應撥某營汛若干俱爲畫一以定章程永遠遵守每年奏銷不得增減改易如此則積弊可除似於倉穀民均有裨益矣一均丁之法宜加詳議也臣見甘肅奉行均丁之法有與他省似同而實異者蓋他省則以本州本縣之額丁均入本州本縣之地畝

原額仍無增損小民自樂輸將今甘省均丁則不
按地畝止按通省額徵銀糧通計合算每銀九錢
零每糧九斗零攤入一丁額徵多則攤丁亦多額
徵少則攤丁亦少以致各州縣有比原額多增至
二三千兩不等者毋怪乎紛紛具呈以爲均丁之
不公也推原其故因甘省州縣中有糧少丁多者
若就本州縣均攤誠恐糧額少而載丁過重是以
泥於通融之說不復詳議但查甘肅州縣其糧少
丁多之處有產有丁現在完納者已居其六七無
產有丁艱於完納者止居其二三若以二三分之

窮丁歸入六七分之糧戶仍無過多之處况查甘
省地多糧少如有餘剩窮丁卽就本地近報開墾
猶未陞科並所有熟地未經報糧之戶均攤則有
地者不蹈隱糧之咎而無糧者免受空丁之累以
舉而兩得矣以上撥糧均丁二事原非臣之職任
然所聞如此敢不據實奏

聞伏候

聖主睿鑒謹

奏

既知成法滋弊善政失宜何不言之於早今見鍾保如

此因而弄巧舞智以表己長殊負朕恩總之於朕前逞
一毫機巧作用皆屬自害之道若不能真實克己奉公
而惟欲假公以濟私禍一及身追悔莫及雖前車覆轍
歷歷可鑒而內外臣工竟不省悟悛改朕實不解也慎
之慎之

陝西蘭州按察使臣李元英謹

奏爲奏

聞事竊本年十月初十日布政使鍾保革職奉撫臣石
文焯委臣暫爲代理隨於十月二十八日鍾保送
到交代冊籍臣逐一查核除現存庫銀九十八萬

餘兩照數查收外尚有借支銀六百萬餘兩其中
欸項混雜種種不清雖非鍾保之侵蝕而實係鍾
保朦混接受於前又爲遮飾於後以致庫項無著
與侵盜錢糧者何異臣若再因循怠玩漫不稽查
不特上負

聖主天恩卽臣犬馬本心亦覺自負今臣按欸清查每
遇一事必詳究其根底兩月以來亦不過僅得十
分之三四其餘未清之項甚多尚須逐一清查謹
先將查出各欸情弊及其中備細緣由另具清單
恭呈

御覽謹

奏

刑名旣不能秉公料理錢糧何能徹底清查所具清單
朕總未覽一字

陝西蘭州按察使臣李元英謹

奏爲恭繳

硃批事竊臣質本庸愚才復駑鈍荷蒙我

皇上天恩遇事教誡雖以臣犬馬無知亦覺深自省悟

臣前奏撥估兵糧并入丁歸併二事復蒙

聖訓諄切臣跪讀再三仰邀聖訓臣益懼臣當

硃批諭旨

天地之恩愈切悚惶之念自今以後惟有益勵初心奮
勉辦事斷不敢始勤終怠有負二聖遺業

高厚洪恩所有奉到 諭旨 仰大恩無味亦覺私自首謝
硃批理合恭繳謹 肅愚 木 尚 驚 兢 荷 策 非

奏為恭謝

恩已負矣何去不敢有負此皆積陰功賣法徇私之報
應不知爾將如何底止也

奏

硃批

硃批趙弘本奏摺

雍正六年二月二十六日雲南按察使臣趙弘本

皇上謹 撰 地 恩 於 萬 一 臣 特

奏為恭謝

天恩叩請 官 式 軒 中 爵 以 數 守 歸 盡 誠 謂 夫 公 天 與 忠
聖訓事 臣 於 雍正 六年 二 月 初 八 日 接 奉 部 文 知 照 奉
旨 雲 南 按 察 使 員 缺 著 貴 東 道 趙 弘 本 補 授 欽 此 臣 聞
命 之 下 隨 恭 設 香 案 望 闕 齋 戒 不 食 以 酬 時

闕叩謝 至 雲 南 赴 察 使

天恩即具詳署貴州巡撫祖秉圭特疏代 寧 執 同 職 懇

硃批諭旨

趙弘本

天題訖伏思臣一介菲材至愚極陋由江寧府同知歷
陞至雲南按察使

聖恩浩蕩感激難名卽捐糜頂踵不足以仰報

殊恩但滇南爲邊疆要地臬司爲刑名總匯職任綦重

聖臨臣才庸識淺惴惴難安叩請日對奉陪文賦懇奉

聖訓指示官方俾臣得以遵守竭盡駑駘矢公矢慎庶

表無負

皇上簡畀洪恩於萬一耳謹

奏

但能矢公矢慎朕更有何訓示耶勉之勉之鄂爾泰可

爲封疆大臣之標準爾爲屬員若能法其居心之半則
一生用之不盡矣

雍正七年六月十九日貴州按察使臣趙弘本謹

奏爲請禁書吏抽改案件之弊以清吏治事竊臣前

歷任各省多有蠹書姦吏抽改案件之弊爲害匪

輕臣叨蒙

聖恩陞授雲南按察使每遇接見屬員之際莫不諄諄

以此告誡今更蒙

恩將臣調補貴州按察使伏思臬司一官爲刑名總匯

其中有釐姦剔弊之處須殫心籌畫方爲有益查

民間詞訟控告到官一經批斷則事經立案官備
恩批稽查原以昭
功令而清案牘乃有一種蠹書姦吏往往與訟棍刁
聖恩民串通作弊或乘官更吏代之際將已未審結案
卷內有要緊批詞詳文看語任意抽換刪改甚至
並將全案藏匿使接任官無卷可稽以便棍徒翻
控輾轉拖累臣請嗣後令直隸各省有司於每房
書吏各給印簿二本分註已未完結將應本
欽部案件以及批發自理各項卷宗註明某年月日
奉批某件准理某件逐細登明已結者將案內要

緊批飭看斷摘錄某事之下毋許洗補潦草以杜
改換增減之弊其未結之案另行分析註明不時
稟閱以便按期審結每於新舊交代之時即將此
號簿案件並入交代冊內加結轉詳該上司以便
日後稽查抑臣更有請者姦胥多於正署交代之
際凡遇前官任內有限期將屆案件勢必詳參遲
延彼因受賄囑則朦隱延擱及限期已逾惟官罹
參處而彼則優游事外臣請嗣後凡有逾限案件
除該管官照例參處外其經承書吏如有朦擱以
及受賄抽匿改換等弊照例加等治罪如此不惟

書吏知儆而吏治益清矣謹

奏

該部議奏

同日又

奏竊臣蒙

皇上隆恩司臬滇黔清查各案見兩省事件仇殺刦擄命盜等案多由外結至督臣鄂爾泰莅任以來區畫周詳凡有大案始行詳報無如各州縣故習因循未能盡行振肅提查原案往往不全甚有并原案俱無者總由舞文之吏暗通訟棍抽換文書久

成積習若此弊得除不但各衙門案卷易於清理而盤踞之積蠹其伎倆自無所施矣又臣歷任各省恭遇

萬壽聖節元旦冬至等日行禮坐班所見儀注不一往往僭越不倫卽上司屬員於公處接見亦無一定之規以致體統全無凡此相沿之陋習皆當仰邀乾斷勅部嚴定處分者也以上二事各具摺奏聞外鹽政諸務亦經繕摺條奏但摺內只言其官買餘鹽以杜販私之弊而其中尚有相因可行之事如海邊范堤外之地與高寶興泰之湖田皆可徐議

開墾者也范堤向時近海目今自堤至海有遠至數十里及一二百里者其南至江口北至黃河中
間延袤千里之遠棄爲斥鹵者久矣竈戶從前俱在范堤以內近日遷移近海其舊時場竈之地並
爲人所侵占而堤外沙地更無人墾種總因販私之利過於力作而外地棍徒勾引爲匪以致農民
不務本業相習成風其高寶興秦一帶地處卑下湖水漲發便有淹沒之患卽雨水稍多往往浸漫
爲憂有妨耕作其間居民借水患爲名公然以私販爲業皆由於近海之射利旣多而民頑所以土

曠也臣近因在滇署理驛鹽道印務親見督臣鄂

爾泰就各井竈定買餘鹽之法裕課杜私行之有

奏效因思兩淮場竈若照滇井所行經營課帑可十

倍於滇省況餘鹽旣歸官買則販私之弊自然永

絕頑梗之民無所爭利而董勸可施勢必盡歸於

具其力農勤作則久荒之地土無不開墾矣至於官收

命引官賣之鹽舫自場竈運至州縣必須舟楫細查河

奏身故道疏通開濬以利搬運而高寶興秦之水藉

此相度以洩其勢凡水之就下者莫不直達於海

則久淤之湖田不但免常澇之患竟成膏腴之產

卽涸出之地畝又可開墾以成田矣但事關重大
其中原委尚須面行陳

奏如以臣言可採求

命臣引

見其中先後緩急理財用人凡一切事宜皆得以盡其
所欲陳尚有歷任數省所見利弊俱可竭臣愚衷
以敬陳始末爲此繕摺謹

奏

亟當努力效法鄂爾泰之居心本領才情原不可勉強
此衷則何難效法之耶凡人莫不各具識見率因根本

處立心差謬故一切智力皆汨沒不能發露偶遇一二
事機理稍契又非過則不及所以諸凡作用祇覺智力
不逮殊不知於根本工夫未到也但得本何愁末勉之
條奏三摺留中內如鹽務一款江省之利弊豈止於此
不得其人饒多良法美政何由施設若得實心任事明
體達用之臣地方上類斯諸務自應思及其謀猷方畧
未必不勝汝之所奏也直省一切吏治大抵皆然引見
面奏徒付空言亦復何益除非命汝親往經理試行所
言但朕於汝之立身行己尚信不及命汝司臬滇黔原
欲令汝親近鄂爾泰熟悉其居心行事庶幾觀感奮勉

國家將來得一可用之人今江蘇正在清查新舊錢糧
案件大吏亦何暇兼顧此舉姑將汝所奏與該督撫商
酌看再抽改案卷一摺朕覽之頗覺有理祇恐繁碎難
行現發廷議又嚴肅儀注一奏甚是但若遇謹飭守禮
上司不待朕諭自能整肅若遇放蕩不檢之輩卽逐細
注定典則亦不過視爲片紙虛文耳朝廷殿陛之間設
立御史正色糾察尚有失儀者何況頒行一篇儀注而
欲其必不陽奉陰違得乎且此非吏治民生之要務國
家體統尊嚴不專在此果能大法小廉紀綱井井內外
臣工皆實心奉公絕欺蔽恥容默法令必行恩膏下逮

四海黎庶無不心悅誠服如此殊勝徒然外貌恭敬也
然亦不可置之不講此奏朕酌量有諭但不以爲要務
耳嗣後汝再有奏摺交大學士張廷玉處爲汝轉奏特

諭

未盡六

味和同日又

皇奏爲報明事竊查貴州地方今春雨暘時若春花大
熟所有大麥小麥蕎麥燕麥菜子蠶豆豌豆等項
萬壽現據各府州縣報稱春收九分十分不等目下稻
田又已盡行栽插秋禾俱各秀發豐年有兆民情
欣悅又臣曾任滇省往來之人不時詢問俱云雲

南春收頗好雷鳴田徧行栽插秧苗秀發亦有豐年之慶再臣上年恭遇

萬壽聖節親見慶雲昭回既知廣南府三環映日之祥近聞雲南府五雲捧日之瑞此皆由我

皇上勤民至意感召

天和庥徵屢見是以頑梗之苗疆既撫則師徒無事雷行未疏之水道將通則商賈自然雲集滇黔兩省愈見物阜民安時和歲稔誠永永無疆矣臣親見嘉祥不勝懽忭合據實奏

聞謹

奏

閱奏深慰朕懷滇黔地方得鄂爾泰如此公正廉明之臣忠誠任事實力宣猷自然感召

天和斯乃一定之理也

Large stylized watermark seal, likely reading '國立中央圖書館藏' (Collection of the National Central Library).

Small vertical characters, possibly '法' (Fa).

Rectangular seal impression in seal script, likely reading '國立中央圖書館藏' (Collection of the National Central Library).

Vertical text on the right edge of the page, possibly a library or collection identifier.

Vertical text on the right edge of the page, possibly a library or collection identifier.

